

Мемлекет басшысы Қ.ТОҚАЕВ:

“БІРІНШІ – ТАУАР АЙНАЛЫМЫН ҰЛҒАЙТУ”

Сарқылмасын Сыр - Ана!



РЕСПУБЛИКАЛЫҚ ТӘУЕЛСІЗ ҚОҒАМДЫҚ-САЯСИ ГАЗЕТ WWW Qaa.kz qaa.kz Ақмешіт Ақшамы Газеті

Қызылорда облысын әкімі Н.НӘЛІБАЕВ:

ӨНЕР ІЗДЕУШІСІМЕН, ҚОЛДАУШЫСЫМЕН ЖӘНЕ ТЫҢДАУШЫСЫМЕН ҒАСЫРДАН ҒАСЫРҒА ЖЕТЕ БЕРМЕК

Ұлттың өнері - өткеннен сыр шертетін, бүгін бейнелейтін, ертеңіне алтын көпір болатын рухани тірегі. Сыр елі - жыр елінен келген өнер көруені Алатау баурайындағы әсем қаланы ән-жырға бөледі.

Алматылық талғампаз көрерменнің көңілінен шығатын бағдарлама әзірлеу,

этнографиялық мұраға өте бай. Өнер күндерінде солардың ең таңдаулылары, “Шірік Рабат сақ жауынгерінің”, “Сығанақ ханшайымының”, “Түгіскен көсемі” мен “Жетіасар ақсүйек әйелінің” соңғы жылдары жасалған реконструкциялары көрмеге қойылды.

Мереке Құлкеновке, мемлекет және қоғам қайраткерлері, Қызылорда облысының бұрынғы әкімдері Икрам Адырбековке, Серікбай Нұргисаевқа, Парламент Сенаты Әлеуметтік-мәдени даму және ғылым комитетінің төрағасы Нұрғөре Жүсіпке, Парламент депутаттарына, Қазақстанның



Республика сарайы сияқты еліміздің ең басты сахналарының бірінде концерт қою тыңғылықты әзірлікті қажет етті. Дәстүр мен жаңашылдықты ұштастырған өнерпаздарымыз көрерменге әдемі рухани кеш сыйлады.

Сыр бойы Шірік Рабат, Жанкент, Сығанақ, Қызылорда сияқты қазақ тарихындағы төрт астананың тоғысқан жері болғандықтан, археологиялық

Өнер мерекесін жоғары деңгейде өткізуге қолдау көрсеткен Алматы қаласының әкімі Досаев Ерболат Асқарұлына алғыс айтамын.

Сыр өңірінен жеткен өнер көшінің хабарын естіп, өнерпаздарымызға қошемет көрсеткен қазақ әдебиетінің классиктері, Қазақстанның Еңбек ерлері Дулат Исабековке, Мұхтар Шахановқа, Қазақстан Жазушылар одағының төрағасы

Еңбек ерлері Абзал Ерәлиевке, Имамзада Шағыртаевқа, өнер қайраткерлеріне, шығармашылық және зиялы қауым өкілдеріне, Алматыда тұратын қызылордалықтарға, көрермендерден жоғары баға алған өнші, жыршы, музыканттарымызға ризашылығым шексіз.

Өнер осындай өрісті кеңейтуші ұрпағымен, іздеушісімен, қолдаушысымен және тыңдаушысымен ғасырдан ғасырға жете бермек.



АХАТОВТЫҢ ӘКІМДІК АМБИЦИЯСЫ:

НӘЛІБАЕВ ПӘРМЕНІ МЕ, ХАЛЫҚТЫҢ СЕНІМІ МЕ?

Сыр елінде жол мәселесі өзге өңірлерге қарағанда бәсең. Дегенмен, жолға наразылық жоқ емес, бар. Біраз уақыттан бері бірі ескірген, кейбірі тесік жолдар көлік жүргізушілерінің жүйкесіне тиетіні шындық. Бүгінде халықтың бұл қажеттілігі аяқасты қалмай, қала бюджетінен қаржы бөлініп, қаладағы кей көшелерге жаңа жол салынды. Өлі де салынып, жөнделіп жатқаны бар. Қалада атқарылып жатқан жұмыс барысының оңды-солын жіті назарда ұстаған қала әкімі Нұржан Ахатов өткен аптада БАҚ өкілдерімен бірге жол инфрақұрылымының тыныс-тіршілігін бақылады.

Айта кеткен жөн, Нұржан Ахатовтың әкім болып тағайындалғанына екі айдан асты. Шаһар басшысы ретінде алғашқы рет БАҚ өкілдерімен баспасөз турына шығып тұр. Бұған дейін де таңның атысы көштің батысы шаршамай журналистерсіз тұрғындармен кездесіп, мәселелерін тыңдап, құрылыс алаңына барып, тиісті мамандарға тапсырмалар беріп жүр. Бір сөзбен айтқанда Нұржан Ахатов қала аралаудан шаршамайтын әкім.

5-бетте

Биылғы жылдың 2024 жылғы 17 қыркүйегінде Президент Орталық Азия мемлекеттері басшылары мен Германия Федералдық канцлерінің кездесуіне қатысты.

◆ Бірінші – тауар айналымын ұлғайту. Бірлескен өңірлік жобаларды тиімді іске асыру есебінен сауда көрсеткішін арттыру, тауарлар номенклатурасын кеңейту – маңызды міндет. Мәселен, Қазақстан Германияға сомасы 850 миллион долларды құрайтын тауардың 100 түрі бойынша экспорт көлемін ұлғайтуға дайын.

◆ Германияға энергетикалық ресурстардың сенімді әрі ірі жеткізушілерінің бірі ретінде Қазақстан неміс нарығына мұнай экспортын арттыруға әзір. Көмірсутегін ұзақмерзімді және тұрақты жеткізуді қамтамасыз етуге германиялық серіктестеріміздің қолдауына алдағы уақытта да сүйенеміз. Елдеріміздің орнықты дамуы үшін энергияның баламалы көздеріне ауысудағы бірлескен қызметімізді жандандыра түсу маңызды деп санаймын. Сутекті энергетика саласында өзара тиімді ынтымақтастық орнатуға дайынбыз. Еліміз Өзбекстанмен және Өзбайжанмен Каспий теңізінің табыны арқылы Еуропа елдеріне қарай «жасыл» энергетиканы жеткізу желісін салу жобасын пысықтап жатыр. Германиялық серіктестерге осы стратегиялық жобаға қатысу мүмкіндігін қарастыруды ұсынамыз.

◆ Қазақстан Германия компанияларын сирек кездесетін металдарды геологиялық барлау және игеру жұмыстарын бірге жүргізуге шақырады. Өңірдегі кенді бастапқы және қайта өңдей отырып, «шикізатты технологияға айырбастау» қағидаты бойынша серіктестік орнатуға ұсынамыз. Бұл орайда HMS Bergbau компаниясының Шығыс Қазақстан облысында литийді игеру және өңдеу бойынша инвестициялық жобаны іске асыруын құптаймыз. Оның құны 500 миллион доллардан асады. Біз еліміздің аумағында бағалы және түсті металдардың кен орнын барлап, игеру үшін германиялық инвесторларға қолайлы жағдай жасауға дайынбыз. Еуропалық серіктестеріміздің қолдауымен Қазақстанның Технологикалық болжау орталығы базасынан Сирек кездесетін металдар бойынша өңірлік зерттеу орталығын құрған жөн деп санаймыз.

◆ Қазақстан қазір Халықаралық Аралды қорғау қорына төрағалық етіп отыр. Осы ретте Арал теңізі бассейні елдеріне көмек көрсету жөніндегі іс-қимыл бағдарламасы мен Орталық Азияның орнықты дамуы үшін қоршаған ортаны қорғаудың өңірлік бағдарламасын жүзеге асыру аясында серіктестікті жандандыруды ұсынады. Біздің пікірімізше, Қордың қызметі өңірдегі орнықты даму мен өркендеуді қамтамасыз етеді. Орнықты егіншіліктің аймақтық орталығын құру жөніндегі бастама өте өзекті. Бұл бастаманы бүгінгі кездесуге қатысушылардың бәрі қолдайды деп ойлаймын.

◆ Біз жалпы құны 55 миллиард доллар болатын 66 бірлескен инвестициялық жоба бойынша уағдаластыққа қол жеткіздік. Германия кәсіпорындары елімізге көбірек келіп, «Қазақстанда неміс сапасына сай жасалған» деген ортақ бренд аясында жергілікті өндірісті жолға қояды деп үміттенеміз.

“РЕСЕЙДІҢ ЖЕҢІЛМЕЙТІНІ АНЫҚ”

Биылғы жылдың 16-шы қыркүйегінде «Ақорда» резиденциясында Қазақстанға ресми сапармен келген Германияның Федералдық канцлері Олаф Шольцті салтанатты қарсы алу рәсімі өтті.

Мемлекет басшысы шақыруын қабыл алып, Қазақстанға ресми сапармен келгені үшін Олаф Шольцке ризашылығын білдірді.

Мемлекет басшысы Қ.Тоқаев:

– Германия Үкіметінің басшысы соңғы 14 жылда елімізге алғаш рет сапармен келіп отыр. Сондықтан бұл қадамыңыздың тарихи мәні зор. Екіжақты ынтымақтастықты дамытуға және тауар айналымының көлемін ұлғайтуға тың серпін береміз деп сенемін. Германия – біздің Еуропадағы, тіпті жаһандағы негізгі серіктесіміз. Бұл – өте маңызды. Біз қарқынды дамып келе жатқан көпқырлы ықпалдастығымызға баса мән береміз. Өзара байланыстарымызды одан әрі тереңдетуге және нығайтуға барлық жағдайды жасаймыз.

Кездесуде Олаф Шольц Қасым-Жомарт Тоқаевқа Украина төңірегіндегі жағдайды реттеуге байланысты пікір айтуды сұрады.

Мемлекет басшысы Қ.Тоқаев:

– Әскери тұрғыда Ресейдің жеңілмейтіні анық. Соғыс бұдан әрі өрши берсе, барша адамзатқа, ең алдымен, Ресей-Украина қақтығысына тікелей қатысы бар мемлекеттерге салдары өте ауыр тиеді. Өкінішке қарай, Ыстанбұл келісімін бекітуден бас тартып, татуласуға қол жеткізетін оңтайлы мүмкіндікті уыстан шығарып алды. Дегенмен бейбітшілік орнатуға әлі де мүмкіндік бар. Түрлі мемлекеттердің барлық бейбіт бастамаларын мұқият қарап, әскери іс-қимылдарды тоқтату туралы келісімге келу керек. Содан кейін территориялық мәселелерді талқылаған жөн. Біздіңше, Қытай мен Бразилияның бейбітшілік жоспары қолдауға тұрарлық. Мемлекеттер басшылары келеді, кетеді. Ал халық, әсіресе көршілес халықтар бейбіт әрі бір-бірімен түсінісіп өмір сүруі керек. Қазақстанның Ресеймен дүние жүзі бойынша құрлықтағы ең ұзын шегенделген шекарасы бар. Біздің елдеріміз арасындағы ынтымақтастық стратегиялық серіктестік пен одақтастық аясында дамып келеді. Қазақстандықтар украин халқы мен оның төл мәдениетіне шынайы құрметпен қарайды. Қазақстан мен Украина арасында ешқандай келіспеушілік болған емес. Киевте Елшілігіміз әлі де жұмыс істеп жатыр.

◆ «Аса маңызды шикізатты инвестиция мен технологияға айырбастау» прагматикалық формуласына сай табиғи ресурстарды өндіру және өңдеу ісін дамытуды ұсынамыз. Біздің минералды-шикізат қорымызда әлі барланбаған бес мыңнан астам кен орны бар. Бұл кеніштердің құны триллиондаған долларға бағаланады. Бүгінде біз Еуропа Одағының экономикасы үшін аса маңызды 34 сирек кездесетін материалдың 19 түрін өндіреміз. Осыған орай Минералдық ресурстар жөніндегі неміс агенттігі (DERA) мен қазақ серіктестері маңызды шикізат саудасы бойынша консорциум құрып жатыр. Біз бұл бастаманың таяу арада нақты іске асуын асыға күтіп отырмыз. Бұдан бөлек, HMS Bergbau компаниясының Шығыс Қазақстанда литий элементін қайта өңдейтін зауыт салу үшін барлау жұмыстарын жүргізу туралы жоспарын құптаймыз. Бұл жобаға салынатын инвестиция көлемі – 500 миллион доллар. Еліміздің бай ресурс қоры өнеркәсіп саласындағы ынтымақтастығымызды кеңейте түсуге мол мүмкіндік береді.

◆ Германияның мұнай-газ жабдықтары және қосалқы бөлшектері өндірісін елімізде локализациялау – негізгі басымдық. Бір сөзбен айтқанда, неміс өндірісінің Қазақстанға келгенін қалаймыз. Бұл отандық өнеркәсіп саласына озық технологиялардың енгізілуіне септігін тигізеді. Қазақстанның жаңартылатын энергия көздері секторындағы әлеуеті әлі де толық пайдаланылмай келеді. Көптеген өлемдік ірі «ойыншылар» бұған көз тігіп отыр. Мысалы, немістің Svevind group компаниясы Қазақстанға 50 миллиард доллар инвестиция салып жатыр. Бұл жобаның мақсаты – «жасыл» сутегін өндіріп, оны Еуропа нарығына сату.

◆ Қазақстан Еуразиядағы жетекші ақпараттық технологиялар орталығына айналуы көздейді. Біріккен Ұлттар Ұйымы Қазақстанды цифрлық технологияларды енгізу жағынан үздік 30 елдің қатарына қосты. Біз ғылыми-зерттеу жобалары, стартаптар, техникалық білім беру және тренингтер ұйымдастыру, сондай-ақ жасанды интеллект саласындағы жаңа IT-жобаларды жүзеге асыру арқылы ынтымақтастықты барынша кеңейтуге ұмтыламыз.

◆ Қазір АХҚО инвестициялар, инновациялар және қаржы қызметтері тоғысқан бірегей өңірлік орталыққа айналды. Франкфурт, Лондон, Дубай, Нью-Йорк және Сингапурдағы жетекші халықаралық қаржы орталықтарының барлық артықшылығын мұнда да пайдалануға болады. Біздің Орталық инвестиция тарту үшін салық, виза және еңбек саясаты жағынан бұрын-соңды болмаған қолайлы шарттар мен жеңілдіктер ұсынады. Әр инвесторға жеке қолдау көрсетіледі. Британия заңнамасына негізделген әділ сот жүйесі жұмыс істеп тұр. «Астана» халықаралық қаржы орталығында 80 елден үш мыңға жуық компания тіркелген. Соның 20 компаниясы – германиялық. Олардың саны жуық арада тағы да өседі деп үміттенеміз.

МӘДЕНИЕТТІҢ МӘРТЕБЕСІ



Алматы қаласындағы Қызылорда облысының өнер күндерін жоғары деңгейде ұйымдастырып, өткізуге атсалысқан өнерпаздарға, мәдениет саласының қызметкерлеріне облыс әкімі Нұрлыбек Нәлібаев арнайы алғыс білдірді.

– «Мемлекет басшысы Қасым-Жомарт Кемелұлы «Ұлт мәдениеті – халық өмірінің айнасы. Еліміздің рухани дамуы ұлттық рухқа тікелей байланысты. Сол себепті азаматтарымыздың рухы ерқашан биік болуы үшін мәдениетімізге, яғни, руханиятымызға баса мән бергеніміз жөн», – деген болатын.

Мәдениеттің мәртебесін көтеріп, өнерін құрметтеген ұлттың өресі биіктей бермек. Өткен жылы елордада Астана қаласының 25 жылдығына орай Қызылорда облысының өнер күндері жоғары деңгейде өткізілді. Халықтың ыстық ықыласы мен қошеметіне ие болған дәл осындай өнер күндері Алматы қаласында да ұйымдастырылды. Ән-жырдың туын желбіреткен сырбойылық өнер майталмандары таланты мен талғамын, кәсіби деңгейінің биіктігін, еліміздің басты сахналарының біріндегі концертке тыңғылықты дайындықпен барғанын дәлелдеді. Мың жылдық тарихы бар, мың бояулы мәдени астанамыз Алматыдағы мерекені өткізуге атсалысқан барша ұйымдастырушыларға, өнерпаздарға, театр өртістеріне, мәдениет саласы қызметкерлеріне, мекеме басшыларына және қала, аудан әкімдіктеріне Сыр жұртшылығының және өз атымынан зор ризашылығымызды білдіреміз», – деді Нұрлыбек Машбекұлы.

Іс-шарада өнер күндерін шебер ұйымдастырып, әсерлі әрі көңілді етіп өткізген қызметкерлерге облыс әкімінің Алғыс хаты табысталды.

Айта кетейік, «Сұлу Сырдан – ару Алматыға» атты Республика сарайында өткен гала-концертке мемлекет және қоғам қайраткерлері, Парламент Сенаты мен Мәжілісінің депутаттары, Қазақстанның Еңбек Ерлері, мәдениет және өнер қайраткерлері, елімізге белгілі ақындар мен жазушылар, Алматы қаласы, Алматы облысы әкімдігінің өкілдері арнайы қатысты.

Айтулы іс-шара аясында «Сыр өңірі – Түркі өркениетінің алтын бесігі» атты жылжымалы көрме ұйымдастырылды. Көрмеге Сыр өңірінің тарихын баяндайтын археологиялық және этнографиялық экспонаттар – «Шірік-Рабат сақ жауынгері», «Сығанақ ханшайымы», «Түгіскен көсемі», «Жетіасар ақсүйек әйелі» реконструкциялары және Қорқыт ата, Марал ишан мұралары, зергерлік бұйымдар коллекциялары қойылды. С.Айтбаев атындағы көркемсурет галереясы қорындағы майлы боумен салынған өлкенің табиғаты, тарихи және жаңадан бой көтерген ғимараттары бейнеленген картиналар келушілер назарына ұсынылды.

Алматылық көрермен Сыр өнерпаздарына ыстық ықыласы мен қошеметін көрсетті.

Алатау баурайындағы ару қаладағы өнер күндері Тұрмағамбет атындағы халық аспаптар оркестрінің «Жыр – қазына, күй – құмбез» атты концертпен қорытындыланды.

Белгілі айтыскер ақын, Н.Бекежанов атындағы драма театрының басшысы М.НИЯЗОВ:

ҚАМҚОРЛЫҚ МІНДЕТТІ ТҮРДЕ ӨЗ ЖЕМІСІН БЕРМЕЙ ҚАЛМАЙДЫ

Қашаннан ірі сөйлеп, кесек тұрайтын Нұрлыбек Машбекұлы Сыр өңіріндегі бірқатар мәдениет пен өнердің өкілдерін қабылдап, кешегі Алматы төріндегі дүбірлеп өткен үлкен іс-шараға белсене қатысқан әріптестерімізге алғысын білдіріп, құрмет көрсетті. Басқа салаларды айтағанда Сыр бойындағы соңғы екі жылдағы мәдениет, білім, спорт саласындағы жетістіктер жетерлік. Мың адамдық өнер сарайы салынды. «Анаға тағзым» орталығы, «Отбасы орталығы», жеті ауданда «Руханият» орталықтары, «Жастар театры», «Жыраулар үйі» т.б деп кете беруге болады. Аз уақытта бұйырса сол жағалаудан он мың адамдық стадион, жаңа мұражайдың құрылысы, көп жылдан бері өзекті болып

Сонымен кездесуде бізді қуантқан жаңалықтар қандай болды?! Бұйырса облысымызда мәдениет пен өнердің мамандарына арнап елу пәтерлік толық бір үй салынып, көп ұзамай пайдалануға берілетін болды. Нақты тапсырма берілді, жұмыс басталып кетті. Біздің театрдың жетпіс жылдық мерейтойы үлкен деңгейде тойланатын болды. Материалдық техникалық базамызды одан әрі нығайтамыз. Филармонияның, мұражайдың, кітапхананың көптеген күрмеулі мәселелері бір кездесудің аясында шешімін тапты.

– «Мен сіздерді құттықтап, алғыс айтамын деп шақырып, біраз ұсыныстарды тыңдап отырып екі миллиардқа жуық қаражаттың

жұмысына уәде беріппін. Әрі қарай да уәде бере беруге болады, бірақ мен үшін басты ұстаным- берілген уәде мен айтылған сөздің барынша тез, сапалы орындалуы. Сондықтан басқа да мәселелеріңіз болса осы жерде Шахмардан Асқарұлы бар, Мира Жомартқызы бар, ақылдасыңыздар, ең қажетті деген ұсыныстарыңызды жолданыңыздар, біз қолдаймыз. Бір жылда екі үлкен қалада өнер күндерімізді өткіздік. Алдағы уақытта бұл жұмыстарды да жалғастыратын боламыз. Сыр елі өнердің астанасы болуы үшін мен де барымды саламын, сіздерді де талмай, табанды еңбек етуге шақырамын»- деді аймақ басшысы.



келе жатқан музыкалық колледждің жаңа ғимараты, Оқушылар сарайы, «Қызылорда аренаның» құрылысы, инновациялық шығармашылық орталығы бой көтереді. Бұл жобаларды осыдан екі жыл бұрын жоспар ретінде айтқанда көп адамның іштей сене қоймағаны анық. Себебі осыншама құрылыстар мен ауқымды шаруалардың аз уақытта жүзеге асуы расында оңай емес. Бірақ аймақ басшысы тәртіп пен талаптың тертесін тең ұстап, күні-түні тынбай мемлекет басшысының тапсырмаларын назарға ала отырып, жүйелі жұмыстың арқасында көптің алғысына бөленуде. Бұлардың сыртында жаңа әуежайдың құрылысы, Қызылорданың тарихында болмаған көпқабатты үйлерге ыстық судың беру мәселесінің шешілуі, Қызылорда мен Ақтөбенің арасындағы жолды төрт жолаққа көшіру сияқты көптеген алып жобалар бар. Жарайды тақырыптан ауытқаймайық.

Ресми ақпарат: Аймақ басшысы Нұрлыбек Нәлібаев Алматыда өткен Қызылорда облысының өнер күндеріне атсалысқан өнерпаздармен кездесуде мәдениет қызметкерлеріне арнап 50 пәтерлік тұрғын үй салу туралы тапсырма берді. Тұрғын үй келесі жылдың мамыр айында мәдениет қызметкерлерінің кәсіби мерекесінде табысталуы қажет.

Алдағы уақытта еліміздің басқа өңірлерінде де Сыр өнерін паш ететін ауқымды концерттер ұйымдастырылады. Н.Бекежанов атындағы облыстық академиялық- музыкалық драма театрының 70 жылдығына арналған ауқымды іс-шараларды да осы бастан жоспарлап жүйелеу керек. Сала қызметкерлерінің ұсыныстарын тыңдаған облыс әкімі барлық бастамаға қолдау көрсетілетінін жеткізді.

Былтырдан бері біздің аймақта өнер мен әдебиетті қолдау мақсатында «Тұран» сыйлығы беріліп келеді. Көптеген облыстарға қонақ болып та, жұмыс бабымен де болып жүрміз. Мұндай жүйелі, нәтижелі істерді көп байқай бермейміз. Сондықтан біз әрбір жасалған жақсылықтың қадірін біліп, өз ризалығымызды білдіріп, осындай үлкен істерді күн-түн демей қапысыз орындап жатқан азаматтарға алғыс айтуда сараңдық танытпауымыз керек.

«Егер тіл мен мәдениеттің жоғалса, шекаранды аша сал, енді ненді қорғайсың, бұл ел енді сенің елің емес»- депті Нельсон Мандела. Мәдениетке жасалған жағдай мен қамқорлық міндетті түрде өз жемісін бермей қалмайды. Барлық әріптестерді марапаттарымен құттықтаймын!

ФБ парақшасынан

РЕФЕРЕНДУМ:

ҚЫЗЫЛОРДАДА 2652 УЧАСКЕЛІК КОМИССИЯ МҮШЕСІ ҚЫЗМЕТ АТҚАРУҒА ДАЙЫН

6 қазан күні еліміз бойынша республикалық референдум өткізіледі. Маңызды саяси науқанда Қызылорда өңірінен 492381 азамат дауыс беруге құқылы. Жауапты кезеңде аймақта 380 учаскелік комиссия құрылып, 2652 комиссия мүшесі қызметке тартылды.

Референдумды ашық, әрі заң талабына сай өткізу УРК тікелей міндеті. Комиссия құрамына енген әрбір азаматтың білім деңгейін жетілдіру және әдістемелік көмек көрсету мақсатында Қызылорда облысының өңірлік оқу орталығы және Қызылорда облысының аумақтық референдум комиссиясының ұйымдастыруымен учаскелік комиссия мүшелері үшін оқыту өткізілді.

Салалық тақырыптарға маманданған кәсіби лекторлар референдум өткізудегі құқықтық

және құжаттамалық мәселелер, дауыс беруші азаматтардың тізімімен жұмыс жүргізу, байқаушылар, БАҚ өкілдерімен жұмыс жүргізудің тиімді шарттары тақырыбында ой бөлісті.

Басқосуларда Қызылорда қаласындағы және аудандардағы құқық қорғау саласының өкілдері референдум кезінде құқық бұзушылықты болдырмау, дауыс беру учаскелерінде тәртіп ережелерін сақтау мәселелері бойынша негізгі ережелерді түсіндірді.

Оқу семинарында лекторлар комиссия мүшелерін рөлдік ойындарға бөліп, ситуациялық жағдайларға негізделген практикалық кейстерді талқылады.

Қызылорда қаласындағы 3 күндік оқытуға

683 комиссия мүшесі тартылды. Әрі қарай лекторлар семинарды көшпелі форматта барлық аудандарда жалғастырды. Мұнда 1065 комиссия мүшесі оқытылды.

Оқытуға төраға, төраға орынбасары, хатшы және жаңадан қосылған комиссия хатшылары шақырылды. Арнайы оқытудан өткен комиссия мүшелері каскад әдісімен өзге де мүшелері оқытады.

Айта кетейік, Қызылорда өңірінде дауыс беруші азаматтардың өз учаскесін анықтау үшін referendum.org.kz сайты және 109 бірыңғай байланыс орталығы іске қосылды. Сондай-ақ, тізімге тіркелген әрбір дауыс беруші азаматқа шақыру қағаздары мен смс хабарламалар жіберілетін болады.

6 қазан октябрь

РЕФЕРЕНДУМ-2024

ӨЗІНДІ ДАУЫС БЕРУШІ АЗАМАТТАР ТІЗІМІНЕН ТЕКСЕРІ
ПРОВЕРЬ СЕБЯ В СПИСКАХ ГОЛОСУЮЩИХ ГРАЖДАН!

ВЕБ-САЙТ

TELEGRAM ЧАТ-БОТ

МОБИЛЬНІ ҚОСЫМША
МОБИЛЬНОЕ ПРИЛОЖЕНИЕ

109 САЛЛ-ОРТАЛЫҒЫ
CALL-ЦЕНТР 109

ЭРКІМНІҢ ДАУЫСЫ МАҢЫЗДЫ!
ВАЖЕН ГОЛОС КАЖДОГО!